



შპს ქართულ-ამერიკული უნივერსიტეტი
 GEORGIAN AMERICAN UNIVERSITY, LLC

მერაბ ალექსიძის 10, თბილისი 0160, საქართველო
 10 Merab Aleksidze Street, Tbilisi 0160, Georgia
 T (+995 32) 220 65 20 F (+995 32) 220 65 19
 info@gau.ge www.gau.ge

დამტკიცებულია ქართულ-ამერიკული
 უნივერსიტეტის აკადემიური საბჭოს 2018
 წლის 30 ოქტომბრის N 3 დადგენილებით

ბიზნესის სკოლა

სადოქტორო პროგრამა

კ უ რ ი კ უ ლ უ მ ი

საგანმანათლებლო პროგრამის სახელწოდება

ბიზნესის ადმინისტრირება/ Business Administration

უმაღლესი აკადემიური განათლების საფეხური

დოქტორანტურა

მისანიჭებელი აკადემიური ხარისხი/კვალიფიკაცია

ბიზნესის ადმინისტრირების დოქტორი/ Doctor of Business Administration

სწავლების ენა

საგანმანათლებლო პროგრამაზე სწავლება ხორციელდება ქართულ ენაზე

პროგრამის მოცულობა

ბიზნესის ადმინისტრირების სადოქტორო პროგრამა მოიცავს 180 ECTS კრედიტს.

სადოქტორო პროგრამა შედგება სასწავლო (მათ შორის თავისუფალი) და კვლევითი კომპონენტებისგან, საიდანაც 60 კრედიტი ეთმობა სასწავლო კომპონენტს, ხოლო 120 კრედიტი - კვლევით კომპონენტს.

პროგრამის მიზნები

ბიზნესის ადმინისტრირების სადოქტორო პროგრამის მიზანია:

- სამეცნიერო-ტექნიკური პროგრესის მოთხოვნათა შესაბამისად კვლევითი საქმიანობისათვის სამეცნიერო კადრის მომზადება, რომელიც შეძლებს ფართო, ღრმა, სისტემური კვლევის წარმოებას;
- არსებული პრობლემური საკითხების გამოვლენა და მასზე მეცნიერული კვლევის წარმოება ბიზნესის ადმინისტრირებაში;

- მეცნიერული კვლევის შედეგების პრაქტიკაში დანერგვის გზების ძიება და შესაბამისი რეკომენდაციების შემუშავება;
- ბიზნესის ადმინისტრირებაში მაღალი ხარისხის სამეცნიერო ნაშრომის შექმნა, რომელიც წარმოაჩენს სიახლეს შესაბამისი საკითხის შესწავლა–განვითარებაში;
- უმაღლესი განათლების სისტემის სიცოცხლისუნარიანობის უზრუნველსაყოფად თანამედროვე სწავლისა და სწავლების მეთოდოლოგიით აღჭურვილი ახალი აკადემიური კადრის მომზადება.

პროგრამაზე დაშვების წინა პირობა

ბიზნესის ადმინისტრირების სადოქტორო პროგრამაზე სწავლის უფლება აქვს მაგისტრს ან საქართველოს კანონმდებლობის შესაბამისად მასთან გათანაბრებულ აკადემიური ხარისხის/კვალიფიკაციის მქონე პირს.

დოქტორანტურაში სწავლის უფლება შეიძლება მიენიჭოს უცხოეთის უნივერსიტეტის კურსდამთავრებულს „უმაღლესი განათლების შესახებ“ საქართველოს კანონის 50-ე მუხლის მოთხოვნათა შესაბამისად.

დოქტორანტობის კანდიდატს მოეთხოვება ინგლისური ენის არანაკლებ „B2“ დონეზე ცოდნა, რაც დასტურდება ტესტირებით. პირი, რომელსაც აქვს შესაბამისი დონეზე ენის ცოდნის დამადასტურებელი სერტიფიკატი ან პირველი, მეორე ან/და მესამე საფეხურის აკადემიური საგანმანათლებლო პროგრამა გავლილი აქვს ინგლისურ ენაზე, ტესტირებისგან თავისუფლდება.

ბიზნესის ადმინისტრირების სადოქტორო პროგრამაზე ჩარიცხვის პროცედურა განისაზღვრება ბიზნესის სკოლის (ფაკულტეტის) დოქტორანტურისა და სადისერტაციო საბჭოს დებულებით.

ბიზნესის ადმინისტრირების სადოქტორო პროგრამაზე მიღება შეიძლება გამოცხადდეს წელიწადში ორჯერ - შემოდგომის და გაზაფხულის სემესტრებისთვის.

დასაქმების სფერო

ბიზნესის ადმინისტრირების სადოქტორო პროგრამის კურსდამთავრებული უფლებამოსილია საქართველოს კანონმდებლობის შესაბამისად დაიკავოს აკადემიური თანამდებობა უმაღლეს საგანმანათლებლო დაწესებულებაში ან/და იმუშაოს ნებისმიერ იმ თანამდებობაზე სადაც მოითხოვება დოქტორის აკადემიური ხარისხი.

სწავლის შედეგები

ცოდნა და გაცნობიერება

დოქტორანტი შეძლებს ბიზნესის ადმინისტრირების იმ მიმართულებით (სპეციალობით/სპეციალიზაციით), რომელშიც მან განახორციელა სამეცნიერო კვლევა და დაწერა სადისერტაციო ნაშრომი

- უახლეს მიღწევებზე დამყარებული სრულყოფილი ცოდნის შექმნას
- მიმოიხილოს და განაზოგადოს განხორციელებული ცვლილებები და სიახლეები;
- შეისწავლოს რაოდენობრივი და თვისებრივი კვლევის მეთოდები;
- თანამედროვე საკვალიფიკაციო-სამეცნიერო თემატიკის შერჩევისა და რეალიზაციის თავისებურებების ცოდნის შექმნას

უნარები

დოქტორანტს შეეძლება:

- ბიზნესის ადმინისტრირების დარგებში საერთაშორისო რეფერირებად ან რეცენზირებად პუბლიკაციაზე მუშაობა;
- სამეცნიერო კონფერენციებში მონაწილეობის, მოხსენების მომზადება;
- ენობრივი სიტუაციის სწორად შეფასება, შესაძლო ენობრივი კონფლიქტების განჭვრეტა და მშვიდობიანად დარეგულირება;
- დებატებში ჩართვა, განსხვავებული აზრის გაგება და ბიზნეს ადმინისტრირების საკითხების ანალიზისას საკუთარი პოზიციის დასაბუთება; ყველა შესაბამისი წყაროს მოძიება, განმარტება და გამოყენება; ფაქტებისა და თეორიული ცოდნის შეჯერება და ობიექტურად შეფასება;
- პრობლემური სიტუაციის გაანალიზების საფუძველზე საჭირო კვლევის მეთოდისა და დიზაინის შემუშავება
- ჩატარებული კვლევის საფუძველზე დასკვნებისა და რეკომენდაციების შემუშავება;
- არსებული ან მოსალოდნელი პრობლემური სიტუაციის აღქმა და ჰიპოთეზების ფორმულირება.

პასუხისმგებლობა და ავტონომიურობა

- დოქტორანტი შეძლებს დამოუკიდებლად გაანალიზოს ბიზნესის ადმინისტრირების სხვადასხვა პრობლემა, დაგეგმოს და ჩაატაროს მეცნიერული კვლევა ბიზნესის ადმინისტრირების სფეროში.

სწავლება-სწავლის მეთოდები

ლექცია სამუშაო ჯგუფში მუშაობა სემინარი პრაქტიკული მუშაობა

ელექტრონული რესურსით სწავლება სხვა

პროფესორი შესაძლოა იყენებდეს ზემოთ ჩამოთვლილ ერთ ან რამდენიმე მეთოდს ან ნებისმიერ სხვა მეთოდს კონკრეტული სასწავლო კურსის ამოცანიდან გამომდინარე. კონკრეტული სასწავლო კურსის სწავლება-სწავლის მეთოდები ასახულია შესაბამისი სასწავლო კურსის სილაბუსში.

შეფასების სისტემა

ბიზნესის ადმინისტრირების სადოქტორო პროგრამა მოიცავს 180 კრედიტს, საიდანაც 60 კრედიტი ეთმობა სასწავლო/თავისუფალ კომპონენტს, ხოლო 120 კრედიტი კვლევითს.

ბიზნესის ადმინისტრირების სადოქტორო პროგრამის სასწავლო კომპონენტი და მისი შეფასების წესი:

სადოქტორო პროგრამის სასწავლო კომპონენტი მიზნად ისახავს დოქტორანტის დარგობრივ და მეთოდოლოგიურ დახელოვნებას, ხელს უწყობს დოქტორანტს სამეცნიერო ნაშრომის შესრულებაში და ამზადებს მას მომავალი პედაგოგიური და სამეცნიერო საქმიანობისათვის.

სადოქტორო პროგრამის სასწავლო კომპონენტი იყოფა სავალდებულო და არჩევით ელემენტებად. დოქტორანტი ჩარიცხვიდან ერთი თვის განმავლობაში თავის სამეცნიერო ხელმძღვანელთან შეთანხმებით ადგენს ინდივიდუალურ სასწავლო გეგმას. სასწავლო კომპონენტის შინაარსი და შეფასების სისტემა აისახება კონკრეტულ სილაბუსში და ეცნობება დოქტორანტს სემესტრის დასაწყისში.

#	საგნის კოდი	სასწავლო კომპონენტი	დაშვების წინაპირობა	სავარაუდო სემესტრი	ECTS კრედიტი	საათი		
						საკონტაქტო	დამოუკიდებელი	სულ
სავალდებულო სასწავლო კომპონენტი 30 კრედიტი								
1	PhD8006	კვლევის მეთოდები (ხარისხობრივი ან რაოდენობრივი)	არ გააჩნია	1-2	10	24	226	250
2	PhD0003	პროფესორის ასისტენტობა	არ გააჩნია	1-2	10	64	186	250
3	PhD8007	აკადემიური წერა	არ გააჩნია	1-2	10	21	229	250
არჩევითი სასწავლო კომპონენტიდან აუცილებელია 30 კრედიტის დაგროვება შეთავაზებული 40 კრედიტიდან								
1	PhD7011	სტატისტიკისა და პროგნოზირების მეთოდები ბიზნესში	არ გააჩნია	1-2	5	48	77	125
2	PhD9001	უცხო ენა - ინგლისური (C1-I)	B2	1	5	46	79	125
3	PhD9002	უცხო ენა – ინგლისური (C1-II)	PhD9001	2	5	46	79	125
4	PhD8005	სწავლების მეთოდები	არ გააჩნია	1-2	10	24	226	250
5	PhD7001	მათემატიკური მოდელირება	არ გააჩნია	1-2	5	46	79	125
6	PhD1001	თემატური სემინარი	არ გააჩნია	2-3	15	32	343	375

სადოქტორო პროგრამა ითვალისწინებს თავისუფალ კომპონენტს, რომელსაც დოქტორანტი აგროვებს არჩევითი სასწავლო კომპონენტის ნაცვლად ბიზნესის სკოლაში (ფაკულტეტზე) ან ქართულ-ამერიკულ უნივერსიტეტში არსებული სხვა იმავე საფეხურის აკადემიური საგანმანათლებლო პროგრამიდან; საქართველოს სხვა უმაღლეს საგანმანათლებლო დაწესებულებაში არსებული აკრედიტებული იმავე საფეხურის აკადემიური საგანმანათლებლო პროგრამიდან; უცხოეთის უმაღლეს სასწავლებელში არსებული იმავე საფეხურის აკადემიური საგანმანათლებლო პროგრამიდან დაგროვებული კრედიტების საქართველოს კანონმდებლობის მიხედვით აღიარების შემთხვევაში.

სტუდენტის მიერ შესაბამის სასწავლო კომპონენტში კრედიტების მიღება/დაგროვება სწავლების პროცესში დოქტორანტის აქტიურ მონაწილეობას ითვალისწინებს და შეძენილი ცოდნის უწყვეტი შეფასების პრინციპს ეფუძნება. სწავლის შედეგების მიღწევის დონე ფასდება „უმაღლესი საგანმანათლებლო პროგრამების კრედიტებით გაანგარიშების

წესის შესახებ“ საქართველოს განათლებისა და მეცნიერების მინისტრის 2007 წლის 5 იანვრის #3 ბრძანებით დამტკიცებული შეფასების სისტემის თანახმად.

სწავლის შედეგების მიღწევის დონის შეფასება მოიცავს შეფასების ფორმებს - შუალედურ და დასკვნით შეფასებას, რომელთა ჯამი წარმოადგენს დასკვნით შეფასებას - 100 ქულას. შეფასების ფორმები მოიცავს შეფასების კომპონენტს/კომპონენტებს, რომელიც განსაზღვრავს დოქტორანტის ცოდნა/გაცნობიერების ან/და უნარის ან/და ავტონომიურობა/პასუხისმგებლობის შეფასების ხერხს (ზეპირი/წერიტი გამოცდა, ზეპირი/წერიტი გამოკითხვა, პრაქტიკული/თეორიული სამუშაო, საშინაო დავალება და სხვა.). შეფასების კომპონენტები აერთიანებს შეფასების მეთოდებს (ტესტი, ესე, პრეზენტაცია და სხვა). შეფასების მეთოდი იზომება შეფასების კრიტერიუმებით.

შეფასების თითოეულ ფორმას და კომპონენტს შეფასების საერთო ქულიდან (100) განსაზღვრული აქვს ხვედრითი წილი, რაც აისახება კონკრეტულ სილაბუსში.

შეფასების თითოეულ ფორმას აქვს მინიმალური კომპეტენციის ზღვარი, მინიმალური კომპეტენციის ზღვარი შეიძლება დადგინდეს შეფასების კომპონენტის/კომპონენტებისთვისაც, რაც დაწვრილებით გაიწერება სასწავლო კურსის სილაბუსით.

დაუშვებელია კრედიტის მინიჭება შეფასების მხოლოდ ერთი ფორმის გამოყენებით. დოქტორანტს კრედიტო ენიჭება დადებითი შეფასების მინიჭების შემთხვევაში.

სადოქტორო პროგრამის სასწავლო კომპონენტის შეფასების სისტემა:

ხუთი სახის დადებითი შეფასება

- (A) ფრიადი – შეფასების 91-100 ქულა;
- (B) ძალიან კარგი – მაქსიმალური შეფასების 81-90 ქულა;
- (C) კარგი – მაქსიმალური შეფასების 71-80 ქულა;
- (D) დამაკმაყოფილებელი – მაქსიმალური შეფასების 61-70 ქულა;
- (E) საკმარისი – მაქსიმალური შეფასების 51-60 ქულა.

ორი სახის უარყოფითი შეფასება

- (FX) ვერ ჩააბარა – მაქსიმალური შეფასების 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;
- (F) ჩაიჭრა – მაქსიმალური შეფასების 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.

(FX) - ის მიღების შემთხვევაში დამატებითი გამოცდა ინიშნება დასკვნითი გამოცდის შედეგების გამოცხადებიდან არანაკლებ 5 კალენდარულ დღეში.

ბიზნესის ადმინისტრირების სადოქტორო პროგრამის სამეცნიერო-კვლევითი კომპონენტი და მისი შეფასების წესი:

ბიზნესის ადმინისტრირების სადოქტორო პროგრამის სავალდებულო სამეცნიერო-კვლევითი კომპონენტია სამეცნიერო ნაშრომი - დისერტაცია, რომლის შესრულება დასტურდება სადისერტაციო ნაშრომის წარდგენით და დაცვით.

დისერტაცია არის დოქტორანტი და მოუკიდებელი სამეცნიერო-კვლევითი მუშაობის შედეგი, რომელიც უნდა ასახავდეს თეორიული ან/და ემპირიული კვლევის მეცნიერულად დასაბუთებულ შედეგებს ან/და წყვეტდეს აქტუალურ სამეცნიერო პრობლემას, ახასიათებდეს მეცნიერული სიახლე და წვლილი შეჰქონდეს სამეცნიერო დარგის განვითარებაში. სადისერტაციო ნაშრომზე მუშაობას დოქტორანტი ახორციელებს ხელმძღვანელობით განხორციელებული კვლევისა და დამოუკიდებელი მუშაობის ფორმატში.

პროგრამის სამეცნიერო-კვლევითი კომპონენტი ფასდება „უმაღლესი საგანმანათლებლო პროგრამების კრედიტებით გაანგარიშების წესის შესახებ“ საქართველოს განათლებისა და მეცნიერების მინისტრის 2007 წლის 5 იანვრის #3 ბრძანებით დამტკიცებული შეფასების სისტემის თანახმად.

სადისერტაციო ნაშრომი ფასდება იმავე ან მომდევნო სემესტრში, რომელშიც დოქტორანტი დაასრულებს მასზე მუშაობას. სადისერტაციო ნაშრომი ფასდება ერთჯერადად დასკვნითი შეფასებით. დისერტაციის დაცვა წარმოებს სადისერტაციო კომისიის სხდომაზე საჯაროდ. სადისერტაციო კომისია გადაწყვეტილებას იღებს დახურულ სხდომაზე. სადისერტაციო კომისიის წევრების მიერ დისერტაციის შეფასება წარმოებს კონფიდენციალურად, ასქულიანი სისტემით, საიდანაც გამოითვლება ქულათა საშუალო არითმეტიკული (მიღებული ქულების ჯამი იყოფა კომისიის წევრთა რაოდენობაზე).

დოქტორანტის სადისერტაციო ნაშრომი ფასდება შეფასების შემდეგი სისტემის მიხედვით:

დადებითი შეფასებები

ფრიადი (**summa cum laude**) – შესანიშნავი ნაშრომი - შეფასების 91-100 ქულა;

ძალიან კარგი (**magna cum laude**) – შედეგი, რომელიც წაყენებულ მოთხოვნებს ყოველმხრივ აღემატება - მაქსიმალური შეფასების 81-90 ქულა;

კარგი (**cum laude**) – შედეგი, რომელიც წაყენებულ მოთხოვნებს აღემატება - მაქსიმალური შეფასების 71-80 ქულა;

საშუალო (**bene**) – საშუალო დონის ნაშრომი, რომელიც წაყენებულ ძირითად მოთხოვნებს აკმაყოფილებს - მაქსიმალური შეფასების 61-70 ქულა;

დამაკმაყოფილებელი (**rite**) – შედეგი, რომელიც, ხარვეზების მიუხედავად, წაყენებულ მოთხოვნებს მაინც აკმაყოფილებს - მაქსიმალური შეფასების 51-60 ქულა.

უარყოფითი შეფასებები

არადამაკმაყოფილებელი (**insufficient**) – არადამაკმაყოფილებელი დონის ნაშრომი, რომელიც ვერ აკმაყოფილებს წაყენებულ მოთხოვნებს მასში არსებული მნიშვნელოვანი ხარვეზების გამო - მაქსიმალური შეფასების 41-50 ქულა;

სრულიად არადამაკმაყოფილებელი (**sub omni canone**) – შედეგი, რომელიც წაყენებულ მოთხოვნებს სრულიად ვერ აკმაყოფილებს - მაქსიმალური შეფასების 40 ქულა და ნაკლები.

დადებითი შეფასების მიღების შემთხვევაში დოქტორანტს ენიჭება დოქტორის აკადემიური ხარისხი.

არადამაკმაყოფილებელი (*insufficienter*) შეფასების მიღების შემთხვევაში დოქტორანტს ენიჭება ერთი წლის განმავლობაში გადამუშავებული სადისერტაციო ნაშრომის წარდგენის უფლება.

სრულიად არადამაკმაყოფილებელი (*sub omni canone*) შეფასების მიღების შემთხვევაში დოქტორანტი კარგავს იგივე სადისერტაციო ნაშრომის წარდგენის უფლებას.

დისერტაციის შეფასებისას გამოყენებული მეთოდები და კრიტერიუმები:

კომისიის წევრთა მიერ დისერტაციის შეფასების მეთოდები და კრიტერიუმები
დისერტაციის წერთი შეფასება - 60 ქულა
დარგის/ქვედარგის ან/და დარგთაშორისი სფეროს განვითარებაში დისერტანტის მიერ შეტანილი წვლილი - 5 ქულა
პრობლემის ხედვა და საკითხის მკაფიოდ დასმა - 5 ქულა
სადისერტაციო ნაშრომის სათანადო სტრუქტურისა და სისტემის ჩამოყალიბება, რომელიც დასახული კვლევითი ამოცანის ოპტიმალური გადაწყვეტის საშუალებას იძლევა - 5 ქულა
ადეკვატური კვლევის მეთოდების შერჩევა - 5 ქულა
ინოვაციური აზროვნება - 5 ქულა
მსჯელობის თანმიმდევრულობა და ლაკონურობა - 5 ქულა
კვლევის პრაქტიკული მნიშვნელობა - 5 ქულა
საკვლევ თემასთან დაკავშირებული წყაროების, სამეცნიერო და ციტირებული ლიტერატურის, ფაქტობრივი მონაცემების დამუშავების სისრულე და კრიტიკული ანალიზი - 5 ქულა
ინფორმაციის სამართლებრივად და ეთიკურად გამოყენება - 5 ქულა
დასკვნები და შედეგები, პრობლემის გადაჭრა - 5 ქულა
აკადემიური წერის კულტურა - 5 ქულა
დისერტაციის გაფორმების (მათ შორის მითითების/ციტირების) სათანადო წესის/წესების დაცვა - 5 ქულა
პრეზენტაცია - 30 ქულა
სადისერტაციო თემის აქტუალობის და სიახლის წარმოჩენა - 5 ქულა
სადისერტაციო თემის სისტემური კვლევა და კავშირი კვლევის მიზნებთან და შედეგებთან - 5 ქულა
მასალის მიწოდების უნარი - საუბრობს წყაროებზე, სამეცნიერო ლიტერატურაზე და ფაქტობრივ მონაცემებზე დაყრდნობით - 5 ქულა

სადისერტაციო ნაშრომში დასმული ძირითადი პრობლემის/პრობლემების წარმოჩენა - 5 ქულა
პრეზენტაციის სტრუქტურა (ვიზუალური და შინაარსობრივი მხარე) – 5 ქულა
პრეზენტაციის ორგანიზება - 5 ქულა
სამეცნიერო კამათი/დისპუტი - 10 ქულა
სამეცნიერო კამათში მონაწილეობს თვითდაჯერებულად, იშველიებს შესაბამის არგუმენტაციას - 5 ქულა
შეკითხვებს პასუხობს ადეკვატურად და სრულად - 5 ქულა
<p>წაყენებულ მოთხოვნათა შეფასება:</p> <ul style="list-style-type: none"> • 5 - სრულყოფილად პასუხობს. • 4 – მნიშვნელოვნად შეესაბამება, მცირე უზუსტობით; • 3 – შეესაბამება, არის ხარვეზი; • 2 - არსებითად შეესაბამება, არის მნიშვნელოვანი ხარვეზი; • 1 - ნაწილობრივ შეესაბამება, არის არსებითი ხარვეზი; • 0 - არ შეესაბამება;

დოქტორის აკადემიური ხარისხის მოსაპოვებლად წარდგენილი დისერტაციის გაფორმების წესი:

სადისერტაციო თემის მოცულობა უნდა იყოს, არანაკლებ 120 და არაუმეტეს 150 გვერდისა. სადისერტაციო საბჭოს გადაწყვეტილებით შეიძლება დადგინდეს სადისერტაციო თემის გვერდების განსხვავებული ზედა ზღვარი.

დისერტაცია შესრულებული უნდა იყოს ქართულ ენაზე. სადისერტაციო საბჭოს გადაწყვეტილებით შეიძლება დისერტაციის ინგლისურ ენაზე შესრულება.

დისერტაცია უნდა შესრულდეს A4 ფორმატის (297X210 მმ) 80 გ/მ² სიმკვრივის ქაღალდზე. უფრო დიდი თაბახის გამოყენების შემთხვევაში (მაგ. ტექნოლოგიური სქემებისათვის) დასაშვებია ნებისმიერი ფორმატის გამოყენება, მხოლოდ აღნიშნული გვერდები არ უნდა აიკინძოს ძირითად ტექსტთან ერთად.

მარცხენა მინდორი უნდა იყოს – 40 მმ, დანარჩენი მინდვრები – 25 მმ.

ტექსტის ძირითადი ნაწილი უნდა შესრულდეს Sylfaen-ის სტანდარტული შრიფტით, ზომით 12. თავებისა და ქვეთავების დასახელებაში შეიძლება გამოყენებული იქნას უფრო დიდი ზომის შრიფტი.

გვერდები უნდა დაინომროს თანმიმდევრობით. გვერდის ნომრების შრიფტის მინიმალური ზომა არის 10. შესავალი გვერდები, გარდა სატიტულო გვერდისა, ინომრება ქვედა მარჯვენა კიდეში არაბული ციფრებით.

ძირითადი ტექსტისთვის ინტერვალი არის 1.5. მცირე ზომის სექციებისათვის (შინაარსი,

ცხრილებისა და ნახაზების ნუსხა, რეზიუმე, სქოლიო, შენიშვნა და სხვა) აიღება ინტერვალი 1.

ყველა თავის და ქვეთავის დასახელება უნდა იქნას ჩართული სარჩევში. თავებისა და ქვეთავების შრიფტის ზომა შეიძლება აღემატებოდეს ძირითადი ტექსტის შრიფტის ზომას. ყველა თავი უნდა იწყებოდეს ახალი გვერდიდან, ხოლო ქვეთავი უნდა გაგრძელდეს იმავე გვერდიდან.

სქოლიო შეიძლება განთავსდეს გვერდის ან ნაშრომის ბოლოს, შრიფტის ზომა – 10. სქოლიოს ნუმერაცია წარმოებს არაბული ციფრებით და თანმიმდევრულია.

სადისერტაციო ნაშრომი უნდა შედგებოდეს:

- სატიტულო ფურცელი;
- საავტორო უფლების გვერდი;
- სარჩევი;
- გამოყენებული აბრევიატურების ნუსხა (საჭიროების შემთხვევაში);
- ძირითადი ტექსტი: შესავალი, შედეგები და მათი განსჯა, დასკვნა;
- სქოლიო (სქოლიოს ნაშრომის ბოლოს განთავსების შემთხვევაში);
- ბიბლიოგრაფია ან გამოყენებული ლიტერატურის ნუსხა;
- დანართები.

სატიტულო ფურცელი - აუცილებლად უნდა მოიცავდეს დისერტაციის დასახელებას, დოქტორანტის გვარს, სახელს და ტექსტს „წარდგენილია დოქტორის აკადემიური ხარისხის მოსაპოვებლად“, „შპს ქართულ-ამერიკული უნივერსიტეტი“, „თბილისი, საქართველო“. მასზე ასევე უნდა განთავსდეს თვე და წელი, როდესაც არის დანიშნული დისერტაციის მოხსენება. აღნიშნული გვერდის ნომერი არის (1), თუმცა იგი არ მიეთითება;

საავტორო უფლების გვერდი - დისერტაციის სტანდარტული ვერსიის ორიგინალს უნდა ჰქონდეს ავტორის ორიგინალური ხელმოწერა. აღნიშნული გვერდი უნდა მოიცავდეს ტექსტს: „შპს ქართულ-ამერიკული უნივერსიტეტი“, სადისერტაციო საბჭოში მისი წარდგენის წელს, ავტორის გვარს, სახელს, თემის დასახელებას, სკოლის (ფაკულტეტის) დასახელებას, სამიუნივერსიტეტო აკადემიურ ხარისხს, სხდომის ჩატარების თარიღს. იგი ასევე უნდა მოიცავდეს სტანდარტულ ტექსტებს “ინდივიდუალური პიროვნებების ან უნივერსიტეტის მიერ ზემომოყვანილი დასახელების დისერტაციის გაცნობის მიზნით მოთხოვნის შემთხვევაში მისი არაკომერციული მიზნებით კოპირებისა და გავრცელების უფლება მინიჭებული აქვს უნივერსიტეტს“ და „ავტორი ინარჩუნებს დანარჩენ საგამომცემლო უფლებებს და არც მთლიანი ნაშრომის და არც მისი ცალკეული კომპონენტების გადაბეჭდვა ან სხვა რაიმე მეთოდით რეპროდუქცია დაუშვებელია ავტორის წერილობითი ნებართვის გარეშე. ავტორი ირწმუნება, რომ ნაშრომში გამოყენებული საავტორო უფლებებით დაცული მასალებზე მიღებულია შესაბამისი ნებართვა (გარდა ის მცირე ზომის ციტატებისა, რომლებიც მოითხოვენ მხოლოდ სპეციფიურ მიმართებას ლიტერატურის ციტირებაში, როგორც ეს მიღებულია სამეცნიერო ნაშრომების შესრულებისას) და ყველა მათგანზე იღებს პასუხისმგებლობას“;

დისერტაცია უნდა შეიცავდეს სარჩევს. ინტერვალი უნდა იყოს 1. შრიფტის ზომა - 12 პუნქტი. აბზაცებს შორის ინტერვალი უნდა იყოს 6-12 პუნქტი. გვერდის ნომრები უნდა განთავსდეს მარჯვენა მინდორთან. დასაშვებია სათაურსა და გვერდის ნომერს შორის

სივრცის შევსება სიმბოლოებით: „ .“, „-“, „_“.

გამოყენებული აბრევიატურების ნუსხა (საჭიროების შემთხვევაში) - დისერტაციაში გამოყენებული ისეთი აბრევიატურებისათვის, რომელიც არ არის საყოველთაოდ მიღებული, სასურველია ავტორის მიერ მოცემული იქნას მათი ჩამონათვალი და ახსნა, რაც ნაშრომს ადვილად აღსაქმელს გახდის;

ძირითადი ტექსტი - უნდა დაიყოს თავებად და სხვადასხვა დონის ქვეთავებად. იგი აუცილებლად უნდა შეიცავდეს შესავალს, ავტორის მიერ მიღებულ შედეგებს, მათ განსჯას და დასკვნას. შესავალ ნაწილში აღწერილი უნდა იქნას დისერტაციაში დასმული პრობლემის მეცნიერული სიახლე, აქტუალობა და პრაქტიკული მნიშვნელობა. ავტორის მიერ მიღებულ შედეგების და მათი განსჯის სტრუქტურა დამოკიდებულია სადისერტაციო თემატიკაზე და ავტორს აქვს უფლება იგი წარმოადგინოს მისთვის სასურველი ფორმით. დასკვნაში მოცემულია კვლევის შედეგები მოკლედ და ლაკონურად.

გამოყენებული ლიტერატურის ნუსხა უნდა განთავსდეს დისერტაციის ბოლოს. ლიტერატურული წყაროს მითითებისას უნდა იქნას დაცული შემდეგი სტილები:

- სტატია - [გვარი] [ინიციალი.] [ინიციალი]. სრული სათაური. ჟურნალის სრული დასახელება ან აბრევიატურა. წელი, ტომი, [ნომერი,] გვ. დასაწისი-დასასრული.
- წიგნი - [გვარი] [ინიციალი.] [ინიციალი]. სრული სათაური. გამოცემის ადგილი: გამომცემლობა. წელი, [ტომი,] გვ.
- ინფორმაცია გლობალური ქსელი - ვებ-გვერდის დასახელება. უკანასკნელად იქნა გადამოწმებული – რიცხვი, თვე, წელი.

დანართში შეიძლება წარმოდგენილი იქნეს, ცხრილები, სქემები, დიაგრამები და სხვა.

სადისერტაციო ნაშრომი უნდა ჩაიწეროს pdf ფორმატში CD-ROM ან DVD-ROM დისკებზე. დისკზე უნდა იქნას მითითებული ავტორის სახელი და დისერტაციის დასახელება.

პროგრამის მატერიალურ-ტექნიკური ბაზა

დოქტორანტებისათვის შეზღუდვების გარეშე ხელმისაწვდომია უნივერსიტეტის ინფრასტრუქტურა და მატერიალურ-ტექნიკური რესურსი, კერძოდ:

- სათანადო ინვენტარით აღჭურვილი სასწავლო აუდიტორიები, საკონფერენციო დარბაზები, აკადემიური და ადმინისტრაციული პერსონალის სამუშაო ოთახები;
- წიგნადი ფონდითა და თანამედროვე საინფორმაციო-საკომუნიკაციო ტექნოლოგიებით აღჭურვილი ბიბლიოთეკა, სადაც ხელმისაწვდომია პროგრამის სილაბუსებით განსაზღვრული სავალდებულო ლიტერატურა და ელექტრონული რესურსები;
- ბიზნესის სკოლაში არსებული კვლევითი ინსტიტუტი, რომელთა ბაზაზე დოქტორანტს შესაძლებლობა აქვს ხელმძღვანელის ზედამხედველობით მონაწილეობა მიიღოს განხორციელებულ პროექტებში და განავითაროს კვლევითი უნარ-ჩვევები.

პროგრამის ფინანსური უზრუნველყოფა

პროგრამის ფინანსური უზრუნველყოფა წარმოებს როგორც სკოლის (ფაკულტეტის), ისე უნივერსიტეტის ბიუჯეტიდან.

გამოყოფილი თანხა მიმართულია პროგრამით გათვალისწინებული მატერიალურ-ტექნიკური რესურსების მუდმივ განახლებაზე, ბიბლიოთეკის წიგნადი ფონდის პროგრამის შესაბამისი უახლესი ლიტერატურით შევსებაზე, სტუდენტური სამეცნიერო კონფერენციების ორგანიზებაზე, უნივერსიტეტის პროფესორ-მასწავლებელთა ნაშრომების, სახელმძღვანელოებისა და დამხმარე სახელმძღვანელოების გამოცემა/დაბეჭდვაზე და ა. შ.

პროგრამის ხელმძღვანელი

თეიმურაზ ტორონჯაძე

ადამიანური რესურსი:

სადოქტორო პროგრამის განხორციელება უზრუნველყოფილია შესაბამისი ადამიანური რესურსით. პროგრამის განხორციელებაში მონაწილეობენ უნივერსიტეტის აკადემიური პერსონალი და მოწვეული სპეციალისტები, რომელთაც აქვთ ბიზნესის ადმინისტრირების სადოქტორო პროგრამის სწავლის შედეგების გამომუშავებისათვის აუციელებელი კომპეტენცია, აკადემიური ხარისხი, სწავლებისა და კვლევის გამოცდილება.